

1977-78  
(Pietro Pietra)

53°

Buna sira, cari siuri,  
buna sira, cmè ch'la va?  
Chi uj na riva a tûti gli uri,  
dai paîs e d'an sità.

Pr'annî a vighi u nost teàter  
con Gilindu, con Mafè,  
e con Tirsi e po' tûç j ater,  
cûi ch'j rècitu con me.

E Gilindu, chi, ch'us lota  
con 'sta grama businà  
per parlèv ancùr 'na vota,  
d'j pastis ch'jè capità.

U teater comunale  
a l'è nent ancùr finì:  
ch'il prepàru, meno male  
perchè 'd temp ij n'hon bitì:

Da tront'ani cûi ch'j cmòndu  
dis che prèstu j gavu i pont:  
j pastisu, pò j armòndu,  
e u teàter l'è mai pront.

Tonta gent ancò j finìsu  
col finònsi semp pû 'n bas:  
ùj n'è trop ch'is divertìsu  
e ch'ùj piàs an mà 'ndè spas.

Per i sold ij pènsu gnonca,  
ij prucûru ìnt in mumènt:  
basta in culp ant ina bonca  
o magàra in rapiment.

I birbònt j'hon la manèra  
'd fè tranquil i sò afè;  
j'hon nent pòu d'andè 'n galera  
con tonç ani da scòntè.

Là j bèivu e poi j mòngiu,  
i fon cònt ad jèsi a cà  
e per sòrti, pò, j s'aròngiu:  
fina Kappler l'è scapà.

Dop tront'ani 'd guèri e 'd loti  
an tra j Arabi e j Ebrè,  
dopo tonç mort, e bombi, e boti,  
ùj madûra in bon afè:

L'è Sadat che 'na maten-na  
l'è 'lvà sù, l'ha pià u santè  
e l'è 'ndaç, per l'ura 'd sen-na  
a stûchè an cà d' j Ebrè.

D'ant l'Egìt, d'ant la sò tèra,  
piòn pianèn l'ha faç doi pàs:  
dopo tonç ani semp an guèra  
l'ha capì ch' l'è mèj la pàs.

Ogni tont al Ministero  
j Ispetùr 'd la Sanità  
j stidèiu 'nche 'l mistero  
d'el midsèn-ni ch'jùma 'n cà.

J son piluli magàra  
che noi j'uma semper pià,  
jèn-na sula o forse 'n para  
a la sira dop mangià.

E j s'ancòrsu, si gron siùri,  
ch'j son robì ch'j fon mà,  
e noi ater, senza curi,  
suma quasi anvilinà.

Uj mancàva pò la bomba  
co u neutròne: la fa 'l vòj;  
dès la tera l'è 'na tomba.  
bel e pronta per tûç noi.

Dapertùt andò ch'j uàrdi,  
an cà vostra o for d'an cà,  
da bunùra fina a tardi  
l'è tût pen 'd pùblicità.

Il sèj bèn, car i mè siuri,  
ch'jè d'la gent ch'j moru 'd fam,  
e ch' 'nvece a tût el j uri  
j m'anciùcu d'areclàm

Per ch'a cròmpu tonç afari  
da mangè o da vistis,  
vò dì nent s'j custu cari;  
j'm cunsigliu da amìs.

Cùi ch'j fon andè 'l masèli,  
ìsi sè ch'j son cuntènt!  
Ma u sùdùr suta gli asèli  
l'è 'n afari ch'el va nent.

Guai avèj 'na rûga 'n facia,  
o avèj di cavì gris,  
la camìsa con 'na macia,  
o èsi senza lavatrìs!

Per stè al mond, j'è 'n bel sistema  
e jm la mustru 'nt in mument;  
l'atra gent l'è tûta sèma  
s'la vò nenta dèj da ment:

Basta piè 'l sò savunèti,  
o 'n pastìs da bitì 'n cà,  
o 'n salàm tajà a fèti  
ch' l'aba faç pùblicità.

Dès l'è fina mèj ch'a cmènsa  
e ch'a ciàma j mè garsòn:  
suma sùchi, avèj pasiènsa,  
suma propi d'j gripiòn,

Ma s'a diùma del luchèiri,  
voi serchè 'd uardèj an drent:  
s'j vighrèj d'el robì vèjri  
a sarrùma ben cuntènt.